Dissertatio medica inauguralis exponens naturalem morborum incantamentis magicis falso adscriptorum explanationem ... / [Erich Gustav Toppius].

Contributors

Toppius, Erich Gustav. Rijksuniversiteit te Leiden.

Publication/Creation

Lugduni Batavorum : Apud Conradum Wishoff, 1728.

Persistent URL

https://wellcomecollection.org/works/u6vzws9c

License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection 183 Euston Road London NW1 2BE UK T +44 (0)20 7611 8722 E library@wellcomecollection.org https://wellcomecollection.org

DISSERTATIO MEDICA INAUGURALIS,

EXPONENS NATURALEM MORBORUM INCANTAMENTIS MAGICIS FALSO ADSCRIPTORUM EXPLANATIONEM.

QUAM,
ANNUENTE DEO TER OPT. MAX.
Ex Austoritate Magnifici Restoris,

D. JOHANNIS WESSELII,

S.S. THEOL. DOCT. EJUSDEMQUE IN ILLUST. ACAD. LUGD. BAT. PROFESSORIS ORDINARII ET ECCLESIÆ IBIDEM PASTORIS.

NEC NON

Amplissimi Senatus Academici Consensu, & Nobilissimae Facultatis Medicae Decreto, PRO GRADU DOCTORATUS

Summisque in MEDICINA Honoribus & Privilegiis ritè ac legitime consequendis,


Eruditorum Examini submittit

ERICUS GUSTAVUS TOPPIUS, Iltena-Luneburgensis.

Ad diem 29. Aprilis. 1728. bora x. loco solito.



Apud CONRADUM WISHOFF, 1728.



PLURIMUM REVERENDO DOCTISSIMOQUE

VIRO,

JUSTO HENRICO SCHAPER,

SUDWALDENSI ALIORUMQUE ADJACENTIUM
OPPIDORUM VERBI DIVINI MINISTRO
VIGILANTISSIMO,

PRÆCEPTORI QUONDAM FIDISSIMO,

FAUTORI ET AMICO PERPETUO AMATO

ET AMANDO,

HANC

rid Suramet.

INAUGURALEM DISSERTATIONEM
IN HUMANISSIMAM GRATIARUM ACTIONEM

fovet & offert

AUCTOR


CANDIDE ET BENEVOLE LECTOR.

Cuscepi, Academia sic jubente, Inauguralis Speciminis loco, considerandos morbos, qui Incantamentis adscribuntur, ea quidem mente, ut inquiram, quid hi morbi horumque miranda & intricata symptomata vere designent, atque ex causis naturalibus perpensis, quantum possibile erit, deducam, quod pleraque phanomena, in morbis his obvia, non adscribenda sint fascino, magis, sagis, vel incantationi, sed caussis mere naturalibus. Hoc ut fiat, opus erit, ut simplicissimam phanomenorum indolem luculenta demonstratione detegamus fieri a caussis, nulla ratione supra-naturalibus dicendis. Hic erit Dissertationis scopus, hac norma. Tu Lector Benevole aquum feras judicium, an sat firma sint proposita, ut destruant eorum, qui contraria statuunt, sententiam. Valeto!

IN HUMANISSIMAM GRATIARUM ACTIONEM

force & offers

AUCTOR.



DISSERTATIO MEDICA INAUGURALIS,

EXPONENS NATURALEM MORBORUM INCANTAMENTIS MAGICIS FALSO AD-SCRIPTORUM EXPLANATIONEM.

o commence en long. T. mariques francis de l'anti-

on and a restaurant and arrests in a sustain about a restaurant of

administration of children discourse and and a second second and a second secon

and to pray the number of the property confi riginem ducimus ab ipso totius controversiæ statu, in quo potissimum quæritur, an nempe vere tales reperiantur morbi, qui a maleficis hominibus methodo supra-naturali, & quidem mediante dæmonis auxilio & suggestu, postquam pa-

ctum cum eo iniverint, in aliis hominibus excitantur.

6. 2. Hæc memorata sententia a tot jam retro seculis adeo firmiter in plerorumque hominum mente invaluit, ut stabilita ferme; & difficile plenum opus fit aleæ intendere hujus eversionem inihilominus recentiores pensiculate rem considerantes coeperunt dubitare, tam de vi, quæ incantameneis august but to A Sang UHL. Gen 18, heie locum repe-

stis adscribitur, quam & de vera magorum sagarumque existentia; neque tamen hi omnium primo hanc dubiam declararunt sententiam, sed & ipse jam suo tempore Medicorum princeps HIPPOCRATES, de morbo sacro, neutiquam ad magicam superstitionem decurrit, sed, quantum potest, acriter contra magica insurgit, & naturaliter omnia symptomata explicat, etsi mirabilia visa suerint. Simul inter Ecclesiæ Patres S. AGOBARDUS scripsit singularem librum, quo demonstraret publice, quod magis ceterisque non sit tanta potentia, ut sterilitatem inducere, turbinum & tempestatum diversitates causari, aliaque, quæ plebs iis communiter adscribit, supra-naturalia essicere queant.

§. 3. Et licet illi, qui hac de re scripsere, Auctores magis sagisque, si non impossibiles, tamen incredibiles adscripserint effectus, alii tamen medium amplectendum esse satius duxerunt, iisque, nulla habita auctoritatis ratione, quædam ex his traditis adsumere & credere placuit; certa ergo sequela rem ipsam pluribus subjecere difficultatum tricis: etenim non memorando, quod medium minime efficiat veritatis criterium, tamen maxime necessum suisse demonstrasse, quare, quum auctoritatem scriptoris in uno rejiciant, contra in aliis adsumant, illa non in omnibus aliis eandem rem

tractantibus aut recipiatur, aut prorsus exterminetur.

§. 4. Quum autem plurimi harum rerum scriptores enarrata hæc raro ipsi viderint, aut saltem rem ipsam non requisita circumspectione inquisiverint, hinc quantum in his & tempus & angusti Dissertationis hujus cancelli permittent, lubentius præprimis acta sequemur publica, quum in hisce ut plurimum accuratius paulo examen reperiatur, quamvis & his ipsis haud semper & in omnibus hisce sides haberi queat, prout pluribus hæc deinceps demonstrabuntur.

& morborum ab incantamento caussa stantes, ex sacris litteris afferre conantur haud videtur proprie huc referendum, quum inde pactum cum diabolo demonstrari nequeat, eoque minus historia 1. SAMUEL. Cap. 28. heic locum repe-

rit, quum ibidem nulla fiat mentio, quod saga Endoriensis morbos sascino suo produxerit, neque & heic eandem ob rationem recenseri potest SIMONIS MAGI in ACT. APOSTOL. Cap. 8. historia. Id vero, quod de magis Ægyptiacis extat, jam multi orthodoxi Theologi, etiam Augustanæ Confessionis, naturaliter explicari voluerunt, de qua re reminiscor, quod quondam Consistorialis Cellensis, Beatus I. S. HOSEMANN, suis in scriptis promiserit, quod in publicum sit missurus Apologiam Magorum Ægyptiacorum, neque dubito, quin hæc accurante ejus silio, Reverendo GUSTAVO CHRISTOPHORO, HOSEMANN Ecclessæ Ministro Woldenhornensi, intimo meo

amico & sanguine juncto, lucem sit visura.

§. 6. Vix ergo discerni ex sacro Codice potest quidquam de pacto cum dæmone instituto illorum, qui magi sagæque incusati sunt. Videndum nunc est, an ex profanis demonstrari talia queant, quæ hanc rem similiter tam planam faciant, ut de pacto dæmoniaco & inde derivata incantatione vix aut non cogitandum sit. Et quidem primo occurrit antiquum illud asylum Medicorum, quod, si in morbis convulsivis vehementioribus remedia aliter præsentissima contra dolores, convulsiones & spasmos omnem exuerint esticaciam, ilico confugiant ad commune adagium, esse superintentalia, & a magia diabolica orta, nec posse medicinam his malis dare medelam, qua conclusione, quod curare, si non ob ignorantiam, ob morbi tamen violentiam, nequeunt, ilico magicum nominant, qua tamen interpretatione vulgo satisfieri nolunt.

§. 7. Ipsas conspice personas, quibus hæc imputantur sacinora, magos, sagas & id genus alias, an in his reperias, quid de iis tanto profertur murmure, aut an tanta reorum captivorumque confessioni sides tribuenda sit, ac quidem sit communiter: equidem res ita sese habet, ut plures extent historiæ, totque sint obvii ubique casus, quibus hi homines ut plurimum melaneholicæ temperiei diuque secum meditabundi hærentes reperiuntur: notum autem est, quod, quæ in melancholicis firmior infigitur menti perpetua cogitatione idea, illa exclusis ceteris, fortiter impressa maneat, sique de aliis sermo siat, hæc intermista eorum imaginatio simul proferatur semper, nec expelli sere possit; sic concipe idem contingere in his: objectum autem præbeant cogitationes de rebus magicis haud extinguibiles, has reputabunt, has meditabuntur, hæ toties repetitæ placebunt, adeo ut tandem omnes, quas his in rebus sibi singunt, ideas, veritates putent, nec erubescant easdem propalare. Hinc observatum est, quod hi homines publice professi suerint, se pactum cum dæmone iniisse, se malesicos esse, atque malorum pænas luere debere; dum tamen sola duntaxat iis nata sirmior in hæc magica objecta mentis actio essicit totum malum, iisdem circa cetera vix ac ne vix quidem desipientibus.

§. 8. Quale affert exemplum Celeb. VALENTIN. in Pandect. Med. Leg. T. 1. p. 163. seqq. de Doctore se maleficum censente; pariter Egregius DAN. SENNERTUS allegat Prax. Lib. 17. p. 9. C. 5. quod fagæ ipfæ in carcerem conjectæ confessæ sint, se mala inflammatoria cum maximis doloribus induxific civibus illo morborum genere tum afflictis; quæ tamen mala nil præternaturalis portendisse idem testatur SENNERTUS, atque enatos tumores tales similesve fuisse, qui ab interno humorum vitio provenire potuerunt, & quales in aliis etiam fine omni veneficii suspicione observavit curavitque; hac etiamnum ratione fere exacte congruente Celeb. VALENTIN. in Pand. Med. Leg. T. 1. p. 165. meminit vetulæ, se publice veneficam profitentis, & boc vel illud veneficium commissse autumantis, que tamen imaginatio melancholiæ ortum debebat. Magnum autem est exemplum Egregii BOHNII in Opere de offic. Med. dupl. p. 679. integerrime juxta speciem facti recensitam, quod profecto non excerpi, sed totum huc transscribi mereretur, nisi molem Disfertationis nimium augeret, quare heic compendio hanc recensebo: Mulier quædam criminis veneficii, patti & commixtionis cum satana accusata, testibus convicta & ultro confessa, demum

demum nibilominus melancholica pronunciata, & a delictis illis absoluta, sponte ipsamet fatebatur & narrabat, quamvis subconfusis admodum & incredibilibus binc inde circumstantus, quod sæpius dæmon mox felis fusci, aliquando canis atri, quandoque fuci majoris specie cum ipsa coiverit, seque fœtus dæmoniacos varios gestasse, ac exclusisse tales, qui frustum carnis aut murem æquabant, asserebat, simulque quod partus tales in aqua solutos jumentis propinaverit, que inde necata fuerant, imo ipsi quibus custodia demandata erat, jurejurando asseverabant, se congressim dæmonis cum illa conspexisse. E, quod mirum, linteamina corpori mulieris superinstrata sustulisse, atque baculo pudenda feriisse, ut sic abigerent incubum, & quæ plura erant ludibria; verum enim vero, inquisitione accurate facta, revera amens & per phantasmata turbulenta bæc falsa loqui deprebendebatur mulier, resque ipsa testium imaginationi debebatur, qui, licet adstantes, plus ex auditu & præconceptu opinione, quam rei veritate deposuerunt. Hinc liquet, quod ipsis reis adhiberi nulla fere sides in his propositis queat. Et sane maximum, quod sagas, ita putatas, longe firmiores & pertinaciores in errore reddit, est methodus, qua variis narcoticis linimentis ex opio, hyoscyamo, cicuta, solani somniferi baccis, similibusque, tam inducentibus stuporem, quam & in profundissimo somno mirabilia phantasmatum genera obtrudentibus, paratis, ungunt carpos, pedum plantas, tempora &c. hoc enim facto ilico experiuntur adhibitorum vim, unde miris prius factis ceremoniis, in gyrum nempe eundo, corrount, altoque sepultæ fomno jacent; interim narcotica simul stupendum in modum earum sensorium mutant, ut se ad convivia symposiaque per aërem rapi & volitare, incredibile videre & perficere, concubitum cum dæmone celebrare censeant, &, cessante illiti unguenti vi, evigilantes (dum interim se in eundem, unde avolarant, locum rediisse putant) hæc omnia patrata perpessaque enarrare & asseverare norunt mira facundia. Quales historias sæpe visas recensent plures & Clarissimi Auctores, ut DAN. SENNERTUS 1. cit. JOH. BAPT. POR-TA in magia natural. Clar. FRED. HOFMANN. in DifDissert. de potentia diaboli §. 6. & GODELMANN. in Tract. de magis Lib. II. Cap. 4. aliique: quo etiam multum enormis tortura, qua hos accusatos ad confessionem urferunt, licet re ipsa innocentes essent, facere videtur.

§. 9. Corruit ergo sua sponte hoc, quod tanquam potissimum & potentissimum afferebatur, argumentum, sagarum existentiam & cum dæmone commercium comprobans; videmus nunc facile omnem hominis memoriam, gentium sidem, magistratuum edicta & judicia vix quidquam conferre ad probandam existentiam præstigiatorum, quia in veritatis

præjudicium nemo exin asterere aliquid valet.

§. 10. Neque hinc obscurum est, quid de testimoniis Auctorum allatis statuendum sit, & an bini ternive testes, ut & ipsa sagarum ita dictarum confessio propria sufficiant ad stabiliendam veram earum existentiam, licet etiam testes creduli concordent, uti de hac re perquam docte scribit Cl. BOHN. de Offic. Med. dupl. p. 679. Si enim inquiratur, quales esse debeant, & quomodo constituti', hic profecto plurima requiruntur; & quidem hos ego æquos rei judices agnosco, hosque testes convoco, qui nulli præjudicio inhærentes, non seposita eorum sinceritate, solam inquirunt exacto scrutinio veritatem, neque si symptomata & caussa. naturalibus majora, videantur, primo, ilico admirabundi putent, ea ab incantatione orta fore; qui enim illa nimis subito miratur, is certe ignorantiam suam aperte exponit, nec novit incredibilem morborum vim; e contrario autem opus est, ut ex incorruptis experimentis Physico-Medicis deducat, ad ultimum possibile, omnia phænomena, hisque ad amussim pensitatis concludat vere, ut res se habet : & hæc erant, quæ desiderabantur in tot enarratis de incantamento observatis.

§ 11. Haud igitur sufficit adducenda hinc & inde experientia, nam & pleraque de his observata, solitario raroque exemplo suffulta, omnem haud exuunt dubitationem, quo minus de instituti examinis veritate & accuratione remaneat ingens sæpe scrupulus.

§. 12. Etenim si hac (§. 10.) lege & necessario requisita debitaque circumspectione, omni seposito præjudicio & perversa imaginatione, examen siat, tum prosecto contrarium cernitur, & omnia incantamentis adscripta mala a caussis mere naturalibusoriri deprehenduntur, sicque explicari sat com-

mode queunt.

§. 13. Quæ & unica solaque est ratio, quare hodiedum, dum soli sidæ & multiplici experientiæ superstructo scrutinio sidem adhibemus, non vero aliis historiolis, tam rara siat de incantatione mentio, atque tam altum de ea nunc sit silentium; eoque major sit hujus asseveratio, quoniam plurima occurrentia symptomata rite inspecta, constitutioni morbosæ assectoque corpori debentur; uti ordine pleraque heic recen-

senda explanabimus.

S. 14. Ita proponitur subito orta cum horrendis & ano. malis symptomatibus convulsio pro incantamenti signo; at hujusmodi miram historiam heic allegabo ex Celeb. VA-LENTIN. Pand. Med. Leg. T. I. p. 176. ut ex hac inquisita pateat phœnomenorum explicatio: Hysterica nempe, pro dæmoniaca habita, accusabatur incendium & dæmoniacum concubitum patrasse, atque, ut in requisitione perhibetur, illam jam mentis suæ compotem ese, at hoc momento loquela privari contorto capite in dorsum, ventremque intumere, ita ut murmura auditu percipi ab adstantibus possint : verum qui hanc consideras historiam, an igitur fœminam dicendam putabis sagam, dœmoniacam, vel a dæmone obsessam; profecto qui symptomata norunt, in epileptica vel hysterica exagitatione frequentia, alia judicabunt; quid enim, si veram explicemus rei naturam, aliud putas hic evenire, quam quod paroxysmus convulsivus in opisthotonon, sive corporis in postica intorsionem degeneret, nec mirum, quod hic loquela durante paroxyimi vi pereat, cum cerebrum mire patiatur; frequentia autem funt hystericis murmura ventris, quæ ingruente earum passione multum audias; etenim nervosissimæ funt intestina, atque motu peristaltico perpetuo aguntur: si nunc caussahunc motum naturaliter

raliter perficiens augeatur sua in actione, major fiet motus vermicularis, adeoque affrictio major laterum intestinorum. unde sonorum adstantibus auditur murmur; quod certe ratiocinium ubique locun reperit, ut igitur incantationi minime adscribenda sint hæc symptomata, sed caussis simplicissimis & naturalibus: neque & subito orta convulsio convincere mentem potest, quod ab incantatione excitari queat; sæpe enim tam subito oritur epilepsia a multiplici nec prævisa caussa producta, ut nullum fere signum hujus jamjam instantis insultus eruere queas: idemque morbus adeo mira facie variatus tam mirabilis apparet, ut Diis, dæmonibus, iræ divinæ, incantamentis & similibus caussis naturalibus majoribus adscriptus sæpe fuerit, inquit Excellentiss. Dom. Prof. BOER-HAAVE in Aphor. de cognosc. & curand. morb. de Epileps. §. 1072. pergitque sequenti §. nullam gesticulationem, inflexionem posituramque nosci, quam non aliquando exhibuerit; porro omnes quoque nonnunquam bunc morbum æmulari motus, cursus, ambulationis, gyrationis, profirationis, decubitus, erecti rigidique corporis species, eadem ingenii acie ait prælaudatus D.BOERH.

S. 15. Equidem non video, quid juvet, ut & tanquam fignum diabolici pacti aut incantamenti huc accenseatur blasphematio Dei ejusque verbi abusus, & obscenarum econtrario rerum tractatio: qui enim novit melancholiam, maniam, quæ uno duntaxat gradu melancholia major est, rabiem caninam fimilesque morbos hanc in ægris producere constitutionem, ut recto rationis usu priventur, & jam mente captis indifferens sit, quid proferant, cum sibi non constent, nec ipsi, an mala an bona loquantur, sciant, an ergo hos tam misere affectos accusabis, quod dæmoni ex pacto associati nunc blasphemiis divinum feriant Numen? esset certe factum nulli rationi innixum. Namque in homine a cane rabido demorfo orta fuisse blasphematio observata est Celeberr. VALENTIN. Pand. Med. Leg. T. 1. p. 244. cum tamen nulla unquam suspicio pacti dæmoniaci visa fuerit: sed miser ante morsum sanus, nunc ita per rabiem mutatus hæc protulit, atque id hoc in malo, afferente ita Excell. D. Prof. Prof. BOERHAAVIO Aphor. §. 1138. a cogitationum alienarum & insuetarum perturbata valde serie ortum trahit: in mania item horrendas excitari imaginationes idem Celeberr. Vir asserit 1. cit. §. 1120. ergo profecto idearum naturam sensa expriment, minime curando, quid aut quam rem tan-

gant.

- \$. 16. Sed regeritur, nihilominus hanc rem probari inde, quod videatur hoc hominum genus varias detegere revelationes rerum, quæ aut jam facta funt, aut fient deinceps, videretur hoc multum stringere argumentum, quod nempe prævisæ a dæmone res his detectæ hominibus proderentur, quæ tamen naturaliter scitu impossibiles forent: veruntamen imprimis maximopere in dubium vocatur historica sides; cum enim hæc, ut prius satis superque demonstravi in supra allegatis, tam immensum sallebat, sic & majorem requirerem ejus veritatem, quoniam etiam tam multiplicia, mox hujus, mox illius rei proferunt, sit sæpe, ut unum ex tot millenis vagis dictis tractu temporis veritatem assequatur, illi autem, qui revelationem hæc appellari volunt, mirum quantum hallucinantur!
- §. 17. Pluribus autem idem confirmare tentant, ut si accusatus peregrinas loquatur sine prævia instructione linguas, & quidem id tanquam magnæ & profundæ meditationis res consideratur; sed eadem prius allegata ratio de veritate historica dubia hic repetenda erit: dein quoque hic multum facit considerasse ipsos homines, qui licet stupidi videantur, tamem olim audivere verba quædam linguæ cujuscunque peregrinæ, quæ licet ante non contemplata multum, nunc tamen, turbato toto cerebro, atque liquore nerveo vehementius exagitato, recidunt, exprimuntur, atque sic imponunt adstantibus linguarum harum scientiam: exemplum hujus tradunt ebrii homines, qui licet de vulgo geniti, & peregrinæ linguæ omnino ignari sint, dum mente constant, tamen in ipsa ebrietate varia proferunt alienæ sibi linguæ verba, quæ in pristinam redeunt memoriam.

8. 18. Neque hic robur, omnem humanam vim superans,

quidquam dilucidationis affert in re tam obscura incantationis, aut confirmabit, quod hi tam ingenti robore validos habeant musculos, ut nec catenas, carceres &c. timeant, omniaque diffringere levi negotio valeant, quæ incredibilia peractu censeres: at vero commune id signum est in maniacis, teste Excell. Prof. BOERHAAVIO, l. cit. §.1120. dum in hoc morbo immensum robur musculorum esse inquit, quod ergo a causa morbifica hac pendere, non vero ab incantamento, debet.

§. 19. Maximum autem phænomenon certissime supra-naturalia & præstigiosa monstrans esse ajunt, quod videant varia heterogenea exclusa vomitu, alvo & abscessibus; quod fieri tamen potest per generata ex ovis insectorum, cum cibo potuque ingestis, insecta, quæ sedem suam ibi figere valent, atque horrenda symptomata edunt; ita & vomitu & fortiori corporis concustu sua sede depelli possunt & eliminari: pariter uti MATHYRIN DE LIGNAC. sur la generat. des insectes dans le corps, observat, quandoque in abscessibus reperiri varia insectorum genera, quæ generata in corporis partibus hærentia, sibi & vicinis obstructionem faciant, atque irritationem creent, unde supervenit haud difficulter inflammatio, quam excipit sæpe abscessus, sic excutiuntur hæc ipsa una cum pure insecta, simplici nunc explanatione mali, aliter haud facile concipienda; sed infertur contra, quod sæpe acus, filamenta ceteraque heteroclita per abscessus suppuratos de corpore abeant; est fateor res stupenda, & modus, quo in corpore gignuntur, omnem videtur effugere de his conceptum; ni sceleratæ fraudes, quæ his in malis astute producuntur, concomitarentur. Unam hic recensebo historiam (quarum plurimæ possent enarrari) hæc clare demonstrantem, quæque paucis abhinc annis Annebergæ contigit: Namque puella sese ab incantamento orta mala pati confitebatur publice; constituebantur præter medicum a tribunali commissarii, qui omnia inspicerent, atque puella custodiebatur, post inquisitionem apparebat abscessus, atque eo suppurato acus prodibant prima

deligatione fine capitulis plurimæ; at altera deligatione & reliquis insequentibus, reperiebantur varia heterogenea filamenta & cetera, quibus conspectis res dubia commissariis videbatur, hique tale instituebant examen, & tanto cum rigore, ut confessa tandem fuerit, se ipsam absque senfili dolore has acus per cutim in pinguedinem intrufiffe, dein autem fefellisse, quod alia apposuerit, ut sic, dum se pro incantata sisteret, receptis eleemosynis paupertati suæ consuleret, illaque præsentibus judicibus intrusit laxæ cuti pone mammam acus abscissis capitulis sat commode. Sic certo patet, quam fallax sit judicium tale tamque præcox, quale post primam curationem renunciabatur, sed impostura apparuit, cum rigor & minæ reliquis superadderentur, licet Medicus magis lucro, quam veritati inhians acta hæc contra commissarios imprimi curaverit. Hinc sole meridiano clarius elucet, quod de tot descriptis, & auctoritate publica magistratuum donatis historiis earumque veritate censendum sit in hisce, quam quoque materiem jam prius. §. 9. detegimus.

§. 20. Postremo autem, si curam spectare velles allegatorum morborum, esset in his procedendum, prout in aliis præmissis viam monstravimus; non enim est remediis incantationi dicatis, ridiculis certe, ut stercori humano s. v. quo odium diabolo excitent in humanum genus, fidendum, sed potius inquirenda sunt ipsa phænomena, eorumque naturalis constitutio, ut ita possemus rite inspecto malo ejus caussæ obviam ire: si ergo ab imaginatione melancholica ortum traxerit malum, contrario experimento fæpe ita mutatur totum sensorium commune, ut hi in pristinum redeant statum, prout §. 7. dixi. Si epilepsiam videas mira convulsione prodeuntem, videsis, an inquirere queas ejus naturam & ortum, num idiopathica sit, an sympathica, cum hæc fæpe integram admittat curam, illa autem vix ullam, & ne semper quidem palliationem; si cernis ab affectione hysterica oriri malum, opus est, ut ea adhibeas, quæ anthysterica nominantur, tali tamen tamque cau-

16 DISSERTATIO MEDICA INAUGURALIS.

ta circumspectione, qualem morbi genius, subjectum & reliqua requirun: sie poteris remediis naturalibus sæpe tollere, sæpe autem mitigare tantum hæe omnia ab incantamentis salso allegata mala, sæpe & in nimia morbi violentia essicies remediis omnino nihil. Hacque ratione pertractanda res erat, ut sie essugeremus labyrinthos, queis toties plurimi impliciti sese extricare non potuerunt. Summo itaque Numini gratias maximas resero, quod ad hæe persicienda vires benesice dederit, atque sie huie Dissertationi coronidem impono.

FINIS.



decisione by freetos originalem, coursell, es es alle

constant and income and in the contract the